





AD PASTORES
AC MINISTROS ECCLE-
SIARUM IN ELECTORA-
TU SAXONIÆ

PIA AC NECESSARIA
Admonitio,

*Anno 1600. conscripta, nunc vero certis de causis
in lucem edita.*


ACCESSIT ALTERA
AD EOSDEM COMMONEFACTIO,
Anno 1610. concinnata.

1. Corinth. 14.

Omnia decenter & secun-
dum ordinem fiant.







SALUTEM IN DO- MINO PRECAMLIR.

Cum Nos Ad SYN-
odum Dresdanam
de voluntate Illu-
strissimi nostri Ma-
gistratus deputati perlegere-
mus Acta visitationis, annis
proximè præterlapsis in hoc
inclito Electoratu lauda-
biliter institutæ & pera-
cte : deprehendimus sanè,
statum Ecclesiarum in ple-
risque rebus ad doctrinam
fidei, disciplinam Ecclesia-

A 2 sticam

sticam, *lætior namq[ue] uirtus* perti-
nentibus, per DEI gratiam,
constare salvum et inconcuf-
sum. Maximè verò lætamur,
& æterno Deo, Patri Domi-
ni nostri JESU CHRISTI, únā
cum Spíritu Sancto gratias
immortales agimus, quòd in-
ter tot, tantosq[ue]; frementis
Satanæ & mundi furores &
horribiles confusiones erro-
rum aliis in locis grassanti-
um, cœlestem veritatem ver-
bi sui, (quemadmodum ea
patefacta est in Scriptura
Prophetica & Apostolica, et
in



in Augustana Confessione
prima ac invariata, cæterisq;
harum Ecclesiarum Scriptis
Symbolicis, in primis autem
libro Concordiæ partim
comprehensa breviter, par-
tim in controversis doctri-
næ capitibus explicata fusiūs,
& ad subscribendum propo-
fita) benignissime hactenus
conservavit, ejusque divi-
num Numen oramus suppli-
ces, ut eandem porrò quoq;
in his & aliis Regionibus atq;
terrī illibatam conservet,
& ad posteritatem omnem, si

A 3 quæ



quāmodō futura est, clementer propaget, ad Sacrosancti nominis suigloriam, & plurimorum hominum perpetuam salutem, Amen.

Animadvertisimus etiam, plerosque Pastores ac Ministros Ecclesiarum officium facere, qua pars est fide ac diligentia, simulq; vitæ integritate quandam ceu faciem preferre, & exemplum dare ac typum exhibere, ad cuius formam Auditores quoque vitæ suæ rationes complicant. Hos monemus, ut qua
cœpe-

cœperunt fide studioq; per-
gant, sub indubia spe divinæ
promissionis: Esto fidelis usq;
ad mortem, & dabo tibi co-
ronam vitæ: Apocal. 2.

Porrò quædam animad-
versa sunt; quæ omnino cor-
rectionem desiderant, de qui-
bus facere non potuimus,
quin pro ratione delegati
muneris vos admonereremus.

II

RIMO SUNT QVIDAM, LICET FOR-
tè pauciores, qui sepositâ libroru[m] cu-
rà, res alias agunt, Apostolici Precepti
parùm memores: Attēde lectioni, exhortationi
& doctrinæ, i. Tim. 4. Hinc adeò fit, ut de tritif-

simis

Timis rebus, quæ laicis etiam notæ sunt, ex historiæ Biblica interrogari, quid respondeant, apud se non inveniant: In Articulis autem fidei penè sint pueri, in controversiis verò, quibus hodie concutitur Ecclesia, & quarum cognitio necessaria est docentibus, planè sint hospites ac peregrini. Horum supina negligentia cum ferri nullo modo possit, monemus illos, ut ante omnia sacrorum Bibliorum, dehinc Scriptorum Symbolicorum lectionem sibi commendatam esse finant, & rerum sacrarum cognitionem familiarem sibi reddant, & ut Superintendentes, illorumq; Adjuncti in speciali Visitatione disquisitionem instituant, quid Ecclesiæ ministri suæ inspectioni aut visitationi subjecti, in sacris Bibliis; quid in scriptis ab Ecclesiâ consensu publico receptis, Augustanâ præsertim Confessione & Formulâ Concordiæ, legerint aut didicerint, ut hoc medio ad majorem diligentiam exuscitentur, & non solùm pro se fidei suæ norint rationē reddere, (hoc enim à quovis Christiano, laico etiam, Petrus Apostolus exigit) sed insuper ut potentes sint ad redarguendos contradicentes, & os illis obstruendum, aut certè ex Catecheticæ doctrinæ capitibus præmonere valeant, ac præmunire gregem adversus irruentes lupos, qui nunquam non in ovile Domini fraudulenter se insinuant.

Pro-



Prodest hæc commonefactio, non tantum
ad veternum exutiendum iis, qui hactenus fu-
erunt negligentiores, sed insuper ad accenden-
dos cæteros, ut rei gravitate apud animum ac-
curatius expensâ donum sibi concessum assi-
duitate lectionis ac meditationis per DEI gras-
tiam magis atq; magis exuscitent.

II.

OM P E R T U M E T I A M H A B E M U S,
circa dispensationem Sacramentorum
Baptismi & Cœnæ Dominicæ non ser-
vari uniformem rationem: præcipue verò in a-
ctione Baptismi, circa quæstiones de fide secun-
dum articulum Apostolici Symboli à quibus-
dam non recitari integrè, sed mutilatè. Mone-
mus igitur, ut juxta tenorem Ecclesiasticæ or-
dinationis, hic articolus haud secùs atq; cæteri
duo plenè recitetur.

Rursum audimus, nonnullos in consecrati
pānis & calicis exhibitione formulā Testamen-
talem verborum institutionis (Accipe, ede, hoc
est Corpus Christi, quod pro te in mortem est
traditum: Bibe, hic est Sanguis Jesu Christi, qui
pro peccatis tuis effusus est) prorsus omittere,

B

& a-

& aliâ quadam uti formulâ, Calvinianis hacten
nus usitatâ. Ut ergo, quoad fieri potest, in riti-
bus conformitas servetur, nec cuivis liberū sit,
pro suo arbitratu seu libitu potius mutare:
quippiam, & innovare: Omnes atq; singulos
ad Ecclesiarum Constitutionem anno 80. publi-
catam remittimus, quæ certam præscribit nor-
mam atq; formam partes omnes divini cultûs;
legitimè peragendi.

Singulatim autem hortamur, ne quis in dis-
pensatione Cœnæ, & Symbolorum Sacramen-
talium exhibitione præsumat ullam aliam u-
surpare formulam, præter eam, quæ verbis con-
tinetur Institutionis, & præmemorataæ Consti-
tutionis Electoralis octavo Articulo palam pre-
cipitur.

III.

GESTER RELIQVAS ECCLESIA-
STICI munoris partes, hæc quoq; nume-
ratur, ut fidi Pastores ex Apostoli Pauli
præscripto arguant & increpant, 2. Tim. 4. Ad-
ditur autem: in omni lenitate & doctrinâ. Dan-
da igitur opera est, ne conviciis perstrepant
conciones, nevè sub aliquius zeli prætextu
quippiam fiat absolum aut præposterum.

Quod



Quod cùm ita sit, dignus est reprehensione im-
portunus zelus eorum, qui modum in objur-
gando tenere nequeunt, sed amaralentiâ ver-
borum animos auditorum à se abalienant, vel
quadam privatæ vindictæ cupiditate accensi-
causas proprias agunt, & à quibus se fortè læsos
autumant, in illos è suggesto bilem suam evo-
munt, aut quæ per obscuros & incertos rumu-
culos acceperunt, illicò in suis concionibus
pro certis effutiunt. Quæ ratio, cum plus destru-
at, quam ædificet, ac limul autoritatem Sacro-
sancti Ministerii prostituat: nomine illustrissi-
mi nostri Magistratūs admonitos illos volu-
mus, ut, si quando sunt auditores objurgandi,
faciant id cum debita moderatione & Christia-
na mansuetudine, & eos, qui delinquent, pri-
vatim admoneant, & gradus admonitionum à
Domino præscriptos observent: nihil agant ex
vindictâ, nihil ex affectu iracundiae, nihil (ut A-
postoli verbis utamur) ex præcipitatione judi-
cii, sed hac officii Ecclesiastici parte, quæ circa
vitia auditorum castiganda occupatur, zelo so-
brio defungantur.

IV.

NIMIS ETIAM EST PERVULGATUM,
aliquam multos Pastores in morem
atque modum politicorum homi-
num,

num, comam demetere, quosdam etiā in pub-
lico cōetu ne quidem inter p̄ecationem; aut
Evangelii prælectionem ex suggesto, vel etiam
in peragendis reliquis divini cultus partibus,
capita denudare, & haud aliter, ac si legibus ex-
empti sint, pileolos suos nemovere quidem: ad-
hæc esse quosdam illius præsumptionis, ut alios
quidem Calvinismi reos agere soleant, si ad no-
men Iesu capita sua non denudent, cūm qui-
dem ipsi (nescimus quo singulari privilegio) su-
os illos pileolos, ne quidem extremo attingant:
digitulo.. Ne ergo his obverti queat id, quod
Lucæ 4. legitur: Medice, cura te ipsum, vel et-
iam illud Ethnici: Turpe est Doctori, cum cul-
pa redarguit ipsum: monitos esse volumus, ut,
quod jubent alios, ipsimet factis exprimant,
nec se Papali quodam fastu à talibus exemptos
somniaint.

Et quia Paulus Apostolus disertè scribit, Vi-
rū, qui in Ecclesię cōetu vel orat vel prophetat, si
quicquam habeat in capite, de honestate caput:
subm: omnino debent Pastores huic Apostoli-
cæ sanctioni se submittere, nec altius sapere vel-
le tanto Apostolo: Præsertim quod ista non nul-
lorum consuetudo haetenus usurpata non pot-
est non esse cōjuncta cum suspicione fastūs, su-
perbiae & singularis cuiusdā præsumptionis, quæ
si



si inullo nocet ordine, in eo certe, qui est ministrorum Ecclesiæ, non potest non plurimum incommodeare.

Non ergo pudeat Evangelii Ministros, ut externo habitu Pastorali (præsertim in peragendis Sacris) sicutiam comitatem à reliquo rum hominum ordinibus esse distinctos: ne demissione comitæ videantur æmulari mores Calvinistarum, quorum Pastores à mercatoribus aliquisve politicis personis vix ægrè dignosci possunt.

Sed & Scholarum Moderatores & collaboratores non solum in habitu, verum etiam moribus atque gestibus se Politicis nimium conformare solent.. Superintendentes ergo commonefacient illos decori; ut quia non in Scholasticantum laborant, sed in templis Ecclesiæ Dei ministrant: ideo in omni conversatione tam publica quam privata proxime se accommodent ad Ecclesiastici ordinis statum, præsertim cum inter illos sint non pauci, qui & concionando se exercent, & ad Ecclesiasticum munus aspirant.

V.

Quodam Audimus TABERNAS
frequentare cerevisiarias in oppidis,
ibiique potitare.. Quia vero neque

B 3

hoc

Hoc vacat insigni scandalo, præmonitos eos vocamus, ne quid tale committant posthac, sed in omnibus se formam pietatis, honestatis ac sobrietatis, ut & reliquarum virtutum, exhibeant: In eos, qui spretis salutaribus admonitionibus deliquerint, animadverteretur eâ, quam par est, severitate.

Duo adhuc restant, de quibus vos ratione vestrorum Auditorum commonefaciendos es-
I. se judicamus. Primo, quia nimis frequenter usu venit, ut vidui & viduæ post mortem priorum conjugum, cupidè nimis & præproperè animum applicent ad novas nuptias ineundas: pro nihilo interim ducentes, quid vel natura postulet, vel honestas efflagitet: Idcirkò decreatum in Synodo factum est, ut viris quidem semestre tempus præfigatur, intra quod non nisi gravissimis causis urgentibus (de quibus judicium facient Consistoria) fas sit ad secunda vota descendere: Fœminis verò certis de causis ante completum viduitatis suæ annum non sit integrum, alias affectare nuptias.

II. Alterum concernit Scholas, quæ cùm sint Ecclesiæ & Reipublicæ Christianæ Seminaria: Par est huc totis viribus elaborare, ut illæ florent, vigeantq; docentiū ac discentium Studio,

& in-

& inter pueros delectus instituatur, qui sint ad litteras naturali quadam & Φ ia ingeniiq; bonitate apti, qui secus: ut illis quidem ad inchoatum cursum strenue continuandum quoddam veluti calcar addatur: de cæteris vero, qui tardioris sunt ingenii, parentes mature per Pastores & Ludimagiſtros admoneri possint, quod liberos suos literis minius aptos, ad opificia manuaria, vel alias honestas artes discendas & tractandas adhibeant: atq; sic gubernatio Scholarum & Ecclesiarum majore cum fructu committi possit iis, quos Deus amplioribus ingenii dotibus instruxit.

Deniq; sit hic cœl scopus omnium vestrum actionum, ut suam quisq; Ecclesiam incorrupto Dei verbo pascat, & quod docet alios, suo etiam exemplo comprobet: omnesq; partes sui munera ad divini verbi canonem & ordinacionis Ecclesiasticæ præscriptum conformet, ad eoq; ministerium suum plenè probatum redditat, idq; in gloriam omnipotentis DEI, qui ut Spiritu suo vestris laboribus cœlitùs benedicat, pijs & ardentibus votis intime precamur.

Vestri in Domino
confratres

Deputati Theologi ad Syno-
dum Dresensem.

Reve-



Reverendis, Pietate &
doctrina, præstantibus
viris, Evangelium CHRISTI
in inclyto Saxoniæ Electora-
tu docentibus, suis in
CHRISTO fratribus
dilectis.

SALU.



SALUTEM IN CHRI-
STO PERPETUAM
PRECAMUR.

E Qvibus ANNO
ab hinc undeci-
mo Domini de-
putati ad Syno-
dum Dresdensem Pastores ac
Ministros Ecclesiarum in E-
lectoratu Saxonico piè ac sa-
lubriter monuerunt, ea jam
pridem in usum vocata à ple-
risque esse minimè dubita-
mus, cum ejusmodi sint o-
mnia, quæ accesionibus (ut Apo-

C

sto.

stolus loquitur) hoc est, ad ædificationem ac incrementum Ecclesiae, statusque publici dignitatem plurimum conducunt. Quia vero haud pauci reperiuntur, qui a tempore divulgatae Epistole ad Ecclesiastica munia demum accesserunt, ipsa necessitas requirit, ut cum hi ipsi, tum ii quoque, qui sub id tempore Ecclesiis prefuerunt; denudo moneantur, ut quecunque commonefactioni illi inserta sunt, fideliter citra cunctationem executioni

m. 30.



mandare annitantur, ut si quando ad visitationis negotium redeundum erit, ipsa re appareat, eos salutaria momentibus promte paruisse.

Ceterum docent Acta visitationum, quae de voluntate Serenissimi Principis Elektoris anni proximi iterum fuerunt peractæ, aliquam multa se offerre, quæ cum emendatione indigeant, silentio haudquaquam sint involvenda. Eorum è cumulo pauca quædam excerpta, priori Epistolæ subjungere

C p. 200 volk



voluimus, minime dubitan-
tes, Pastores eosque omnes,
quibus salus publica curæ ac
cordi est, obsequenter factu-
ros, ut tam hæc quam priora
illa citra moram in plurimo-
rum commoduni fructuosè
instituantur. Mense Aprili,
Anno 1610. Dresdæ.

I.

GRAVIS EST ADMONITIO IL-
la Apostoli, Gal. 5. (15.) Quod si vos invi-
cem mordetis & comeditis, videte ne
ab invicem absumamini. Quemadmodum e-
nim Pax & Concordia in qualibet Republica
præcipuum est vinculum, quo subditorum sa-
lus & incolumentas sartate et afferitur : ita in
Ecclesia potissimum ea est vis mutuae conser-
fationis Collegarum, ut, si vel minor a inter eos,
vel in doctrina, vel in moribus ac cōversatione
quo-



quotidianâ, oriatur dissensio, non modo Auditores enim miter offenduntur: sed & religionis puritas apud hostes veritatis male audiat: quia progreku temporis alter alterum absumat, immo penitus evertat. Accedit, quod laborum Ecclesiasticorum benedictio & Auditorum ædificatio vix speranda apud eos, qui mutuis dissensionibus sive manifestis, sive clandestinis, se invicem lacerant, proscindunt, & persequuntur: Ibi enim Dominus mandavit benedictionem, ubi fratres cohabitent in unum: teste Davide, Psal. 133. 3.

Hoc si pensi hodie haberent Ecclesiarum ministri, minus profecto dissensionum & orixa- rum, vel certe minus simultatum inter ipsos glicseret. Testis vero est experientia: Ambitionis stimulis quibusdam in locis Pastores & Diaconos ita exagitari, ut hi illorum honori & dignitati in videant, eorumque luminibus ac comodis, quæ possunt ratione obstruant: illi ve- ro hos, præsertim si docendi donis prædicti sint, tanquam æquales ferre non possint. Quæ dis- sensionum flammulæ plerumque in tristissimum tandem erumpunt incendium, quo Ecclesiæ statu satis pericolose concutitur: Adversariis puritatem Religionis suggillandi occa- sion præbetur: sive infirmiores denique gor- viissime offenduntur. Dabunt proinde



operam singuli ac universi Ecclesiarum Pasto-
res ac ministri, ut extirpatis omnibus privato-
rum affectuum ac similitudinum igniculis, mutua
paci ac concordiae studeant, memores aliquan-
do gravissimas justissimo mortaliū judici ac
vindici, hujus etiam villicationis reddendas es-
serationes.

III.

PORRO ILLUD QVOQVE
gravi reprehensione dignum meritò
censemur, quod multis in locis, & qui-
dem illustrioribus etiam, tūm Pastores tūm
Diaconi usq; adeò in officio socordes & negli-
gentes sunt, ut vel planè nullis evidētibus
caussis præpediti, vel saltem in privatis, & culi-
næ magis quam Ecclesiæ inservientibus studiis
ac negotiis expediendis occupati, rarissimè in-
tersint Collegarum suorum Concionibus; vel si
fortè templum sub initium Concionis sint in-
gressi: mox tamen inde, tanquam canis à Nilo
resiliant: Imò Pastores quoq; & Superinten-
dentes, quibus tamen inspectio Ecclesiarum &
Diaconorum est cōmissa, de Diaconorum suo-
rum concionibus, quomodo ex se habeant, pa-
rum sint solliciti. Quę profectò secordia, pr̄eter-
quam quod cum enormi offendiculo Auditorū

est conjuncta, morsum conscientiae aliquando-
talem movere & excitare potest, ut Minister
Ecclesiae, qui usq; adeo negligenter suo functus
est officio, vix sit inventurus, quo facti rationes
sufficientes, tūm Deo, tūm Magistratui redde-
re possit.

Proinde seriò monentur tūm Pastores, tūm
Diaconi, ut quid hac in parte sui sic munetis at-
que officii, assidue & diligenter cogitent: Con-
cionibus omnibus (nisi forte rationibus justis
impediantur) intersint, & suo exemplo tūm ad
attentionem in audiendis concionibus, tūm ad
studium ac fervorem in fundendis precibus
publicis Auditores incitent ac inflamment,
memores comminationis Propheticæ: Male-
dictus, qui officium suum negligenter fecerit.,
Jerem. 48. (10.)

III.

NON PROBAMUS CONSE-
tudinem eorum, qui temerè ac citra evi-
dентem causam quibusvis permittunt
suggestum concordare ac conciones habere
ad populum. Res enim docet, multos esse, qui
vix à primo limine studium Theologicum salu-
tarunt, adeoq; verum ac genuinum concio-
nandum ignorant, aut certè parum con-
venie-

wenienti habitu addicendum prodeunt. Sane tales qui sunt non modò ad ædificationem Ecclesiæ nihil conferunt, sed pios quoq; vehementer offendunt & sacrum concionandi munus propemodum in contemnum adducunt. Monemus itaq; Pastores eorumq; Collegas, ut concionandi partes suo quisq; loco, fideliter ac rectè ipsimet obeant, nec ad concionandum quenquam admittant in posterum, nisi qui probè instructus sit rerum sacrarum cognitio-
ne ac Præceptorum testimoniis, seq; Consisto-
rio, cui subest, modestè indicet, ut in doctri-
nam, vitam ac mores ipsius accuratè priùs in-
quiratur. Sint potiùs authores iis qui vel in Scholis docent, vel pueros fidei suæ commis-
sos ad pietatem, virtutem, & literas domi atq;
in umbrâ informant, ut legendo, meditando,
discendo, orando, ad munia Ecclesiastica se
præparent, adeoq; tempus illud patienter & in
Spiritù humilitate expectent, quo ad functio-
nes sacras legitimo modo adhibeantur.

IV.

TANTA HODIE LOCIS OMNI-
bus morum ac vitæ corruptio est, ut non
pii solùm, sed & ipsa propemodum natu-
ra rerum ingemiscat, videaturq; extrema ac
fata-



fatalis quædam imminerererum omnium conversio, multis auditorum perperam cogitantibus, egregiè se defunctos suo munere, si oretenus fidem jaētent, ac scripturæ quædam dicta de ineffabili D E I misericordia, ac gratuitâ hominis peccatoris receptione demurmurate nōrint, licet interim vitam suam turpiter & ad infamiam usq; coinquinent.

Meminerint igitur Pastores, ita annuncian-
dam esse perterrefactis mentibus doctrinam
Gratiæ, ut simul Legis mucrone præfractos ac
improbos (quorum ingens ubivis numerus est)
faucient ac perterreant, adeoq; Christi & Ba-
ptistæ exemplo prædicationem Pœnitentiæ
graviter urgeant, istud auditorum animis in-
culcantes, Fidem, quā justi reputamur coram
D E O, fructus bonos ex se fundere, inq; opera e-
rumpere, quæ secundūm D E U M facta sunt, ut
Christus Johan. 3. loquitur. Qui id negligit, ac
legis fulmine peccantes non coērcet, is omni-
nō ad se pertinere sciat id, quod apud Ezechie-
lem cap. 33. ignavis speculatoribus Dominus
comminatur, inquiens: Si, me dicente ad im-
pium, Impie morte morieris. Tu ei non
fueris locutus, ut se custodiāt à viâ suâ,
ipse quidem impius in iniquitate suâ morie-
tur, sanguinem autem ejus de manu tuâ

D requi-



requirām. Expendatur quoq; Caput 56. Esaiæ,
versic 10.11. & illud Apostoli: Prædica verbum,
insta opportunè, importunè, argue, obsecra, in-
crepa in omni patientia & doctrina, 2. Tim. 4.
Videatur & Judæ Epistola vers. 22. 23.

V.

CUM MAGNA VIS ESSE POS-
sit scandalorum, tām apud firmos, quām
infirmos in fide, præsertim si ea profici-
scantur, vel ex vitâ ac moribus, vel ex habitu si-
ve vestitu minūs honesto ac decente Pastorum
ac Inspectorum Ecclesiæ: operam utiq; illi e-
nixè dabunt, ut non modò ipsi per se, sed & u-
xores, liberi, ac universa familia pietati, humili-
tati ac modestiæ, in omnibus vitæ partibus stu-
deant: cū primis autem ab omni luxu in vesti-
tu abstineant: memores fulminis illius Salva-
toris: Væ homini, per quem venit scandalum: sa-
tiūs ipsi foret, ut in abyssum maris præceps da-
retur. Et illius Apostolici, 1. Tim. 3 Oportet E-
piscopum irreprehensibilem esse, liberos ha-
bentem subditos, cum omni modestiâ: similiter
& Uxores pudicas, modestas, fideles in omnibus
&c. Eti. Pet. 3. Mulieres sint subditæ viris suis, se-
stantes sanctam conversationem, quarum orna-
men-

mentum non sit exterior capillatura, aut circumdatio auri (& gemmarum) aut cultus vestimentorum, sed homo absconditus cordis, in incorruptione mansuetudinis, & quiete Spiritus, qui in conspectu Dei sit multum perfectus.

VI.

NO R U N T H A V D D U B I E P A S T O-

res atq; Inspectores Ecclesiarum, Scholas oppidanas, vel nostrâ adhuc memorâ virtutis ac literarum officinas fuisse, in primisq; salutaria quædam *τῆς θεογραφίας παιδείας*: optandum que foret, ita eas vel hodiè instructas atq; constitutas esse, ut ad Christi Ecclesiam civilemq; vitæ consuetudinem amplissimi fructus ab illis expectandi essent. Verum tanta, proh dolor, rerum omnium ac Disciplinæ in primis diminutio facta est, ut adolescentibus, qui studiis hoc tempore invigilant, nihil videatur esse dissolutius. Et quod in primis reprehensione dignum est, præceptores reperiuntur adeò officii sui immemores, ut quemvis dissentium suis sioant uti moribus, nec corrigere studeant, si quid ab iis delinquitur, sed omnia omnibus permittant. Velamen quidem ignaviæ huic, imò verò ineptæ facilitati obtendunt, affirmantes, Bonæ indolis pue-

D 2 ros



rosspone officium facere, improbos vero nullum ratione emendari: Verum secus res habet: Nam & probi qui sunt, licetiam detersiores fiunt; Improbi vero Disciplinæ sanctioris beneficio in Virtutis cursum aliquando revocantur. Hanc igitur qui negligunt, ac juventutem suo ferri sinnunt impetu, non præceptores, sed (sit dictio venia) depopulatores ingeniorum aestimandi sunt, quibus obid grave suis temporibus Judicium subeundumerit, a quo neque inspectores ipsi immunes erunt, qui ferre non possunt, ut disciplinæ arctioris freno puerorum improbitas coercentur. Rectè omnino Proverbiorum liber cap. 22. Stultitia, inquit, colligata est in corde pueri, & virga Disciplinæ fugabit eam. Et memorabile est illud Senecæ: Qui non vetat peccare, cum possit, jubet. Et alterum: Bis peccat, qui peccanti obsequium accommodat. Monemus itaque eos, qui scholis præsunt, ac Inspectorum munia sustinent, ut pristinam illam severioris Disciplinæ rationem in usum revocare omnino studeant, ne stulta eorum facilitas necessitatem tandem imponat superioribus submovendi ejusmodi magistros, qui pueri fidei suæ commissos depravari, planeque in transversum agi patiuntur. Rectè Cyprianus, Disciplina, inquit, custos spei est, fidei retinaculum, dux iteris salutaris, magistra Virtutis.

Uti-



VTINAM VERO ET A PARENTIBUS obtineri posset, ut liberos majori curâ ad pietatem, modestiam ac mores bonos informarent: minus profecto improbitatis foret in omnibus vitæ ordinibus. Verum quia plurimi admodum oscitante officium faciunt, adeoq; per turpem ac cunctis seculis inauditam indulgentiam ad omne genus nequit iæ senestrâ liberis suis aperiunt: operâ dabunt Pastores, ut cum ipsi filios habeant morigeros cum omni honestate; tûm parentes ad idem præstandum salutaribus monitis flectant, sapè multumq; animis ipsorum infigentes id, quod vox divina præcipit: Aeuies verba legis hujus filiis tuis, & loqueris de eis sedens domi & ambulans in itinere. Et 4. Capite, Docebis verba & acta mea filios tuos & nepotes tuos. Ad quæ porrò ea Spiritus Sancti oracula referantur, quæ liberorum contumaciæ frenum injectum volunt, ut cum in Epistola ad Ephesios 6. dicitur, Patres educate liberos vestros in disciplina & correptione Domini. Et libro Proverbiorum, capit. 23. & 22. Noli subtrahere à puero Disciplinam: Prout enim adfuerit quis in pueritia, talis erit in senectute. Etrursus, Virga æquè correptio tribuunt.

Sapientiam, puer autem temeritatem relicitus voluntati suae confundit matrem suam: Quibus verbis Scriptura indicat, filios improbos non solum dedecori esse parentibus, sed plerisque; etiam ignominiosa morte perire. Sed & illud observetur parentum animis, quod Siracides cap. 30. monet, inquiens: Ne indulgeas filio tuo in pueritia, nec excuses stultitiam ejus: Incurva cervicem ejus in juventute, & tunde latera ejus dum puer est, ne forte praefractus fiat ac contumax, (& quae sequuntur.)

VIII.

NON MORE NONNULLI POSSENTUM habent, ut si quando Pastores in oppidis aut pagis ritu publico in sacra munera administrationem immittendi sunt, ut plurimum diebus Dominicis illud peragant, ex quo id incommodi enascitur, quod Concio-nes interim aliis domi demandandae sunt, haud absq; piorum offendiculo, qui commodiore tempore institui negotium illud recte arbitrantur. Accedit, quod integrum scepè biduum actui illi publico impenditur, inque cœnas & prandia sumptus immodici fiunt, quibus non raro Ecclesiastici redditus exhauriuntur, aut certe mirum in modum affligitur ac oneratur populus.

Et



Et quod multò etiam indignius est, non defunē,
qui in quasvis occasiones intenti sunt, ut eva-
gari creberrimè, ac neglectis officiis sui parti-
bus, cum familia, quam secum trahunt, splen-
didè & genio hilariter indulgerē queant.
Miramur talia in eos cadere, qui ad omne pieta-
tatis, virtutis atq; officii decus Duces ac Magi-
stri aliis esse debebant. Verūm ea seculi hujus
infelicitas est, ut pauci admodum, quid officii
sui sit, animis secum ex pendent, adeoq; levi oc-
casione alio sese abripi patientur. Hortamur
itaq; Superintendentes, eorumq; Adjunctos, ut
Investituras, quas vocant, profestis potius die-
bus instituant, inq; suscipiendo Visitationis ne-
gotio, ac ærarii Ecclesiastici rationibus cognoscendis (quæ cum ipso visitationis actu omnino
conjungendæ erant) eum observent ac teneant
modum, ne quid concionum domi negligatur,
nec sumtu nimio onerentur Ecclesiæ.

Scimus quidem, haud paucos esse qui offi-
cium suum rectâ consciëtiâ ac fide eâ, quæ DEO,
quæ Magistratui, quæ Ecclesiæ debetur, tam his
quam aliis in rebus præclarè faciunt: quos etiâ
amplissima, ac nullo ævo finiēda in Cœlis olim
expectat compensatio: At quia tamē reperiu-
tur, qui velut aliud agētes ab officiis tram-

DUN-



munquam deflectunt, cohortandos illos cem-
suimus, ut ad Dei in primis gloriam, ac salutem
Ecclesiæ, citra quæstus ac emolumenti proprii
respectum, in muneris sacri administratio-
ne piè ac laudabiliter deinceps
versentur.


**Ad edificationem Ecclesie
querite, ut excellatis, I. Co-
rinth. 14.**







ftica
nen
con
sum
& æ
ni n
cum
imn
ter
Sata
hor
rum
um,
bifu
pate
Pro



perti-
ratiam,
concuf-
tamur,
Domi-
ri, unā
gratias
uòd in-
mentis
ores &
es erro-
affanti-
emver-
um ea
iptura
lica, et
in